

唐
音
統
籤

戊籤二李商隱之五

唐音統籤卷

五百六十七

五言排律一

有感二首

自注乙卯年有感丙辰年詩成二詩咏甘露之變

九服歸元化三靈叶睿圖如何本初輩自取屈
誅有甚當車泣因勞下殿趨何成奏雲物直是滅
萑蒲證逮符書密辭連性命俱竟緣尊漢相不早
辨胡雛鬼錄分朝部軍烽照上都敢云堪慟哭未
免怨洪鑪

丹陛猶敷奏彤庭歟戰爭臨危對盧植

是晚獨召故相彭陽

公始悔用龐萌御仗收前殿兇徒劇背城蒼黃五

眉音粉錦
色捧掩遏一陽生古有清君側今非乏老成素心
雖未易此舉太無名誰瞑銜冤目寧吞欲絕聲近
聞開壽讌不廢用咸英

寓懷

綵鸞餐顥氣威鳳食卿雲長養三清境追隨五帝
君煙波遺汲汲增繳任云云下界圍黃道前程合
紫氛金書唯是見玉管不勝聞草爲廻生種香緣
却死薰海明三島見天迴九江分舉樹無勞援神
禾豈用耘闢龍風結陣惱鶴露成文漢嶺霜何早
秦宮日易曛星機拋密緒月杵散靈芬陽鳥西南

下相思不及群

獨居有懷

麝重愁風逼羅疎畏月侵怨竟迷恐斷嬌喘細疑
沉數急芙蓉帶頻抽翡翠簪柔情終不遠一作未達遙
妬已先深浦冷鴛鴦去園空蛺蝶尋蠟花長遞淚
筵柱鎮移心覓使嵩雲暮迴頭灞岸陰只聞涼葉
院露井近寒砧

擬意

悵望逢張女遲迴送阿侯空看小垂手忍問大刀
頭妙選茱萸帳平居翡翠樓雲屏不取暖月扇未

障羞上掌真何有傾城豈自由楚妃交薦枕漢后
共藏闔夫向羊車覓男從鳳穴求書成袞襖帖唱
殺畔牢愁夜杵鳴江練春刀解石榴象牀穿幃網
犀帖釘窓油仁壽遺明鏡陳倉拂綵毬真防舞如
意佯葢臥箜篌濯錦桃花水濺裙杜若洲魚兒懸
寶劍燕子合金甌銀箭摧播落華筵慙去留幾時
銷薄怒從此抱離憂帆落啼猿峽樽開畫鷁舟急
絃腸對斷剪蠟淚爭流壁馬誰能帶金蟲不復收
銀河撲醉眼珠串咽歌喉去夢隨川后來風貯石
尤蘭叢銜露重榆筴點星稠解佩無遺跡凌波有

舊遊曾來十九首私識詠牽牛

念遠

日月淹秦甸江湖動越吟
蒼梧應露下白閣自雲深
皎皎非鸞扇翹翹失鳳簪
床空鄂君被杵冷女嬃砧
北思驚沙雁南情屬海禽
關山已搖落天地共登臨

卽日

地寬樓已迥人更迥於樓
細意輕春物傷醒屬暮愁
望賒殊易斷恨久欲難收
大勢一作執真無利多

情豈自由空園

一作垣

兼樹廢敗港擁花流書去青

楓驛鴻歸杜若洲
單棲應分定辭疾
索誰憂更替
林鴉恨驚頻去不休

夜思

銀箭耿寒漏
金釭凝夜光
綵鸞空自舞
別燕不相將
寄恨一尺素
含情雙玉璫
會前猶月在
去後始宵長
往事經春物
前期託報章
永令虛粲枕
長不掩蘭房
覺動迎猜影
疑來浪認香
鶴應聞露警
蜂亦爲花忙
古有陽臺夢
今多下蔡倡
何爲薄冰雪
消瘦滯非鄉

搖落

搖落傷年日羈留念遠心水亭吟斷續月幌夢飛
沉古木含風久疎螢怯露深人閒始遙夜地迥更
清礎結愛曾傷晚端憂復至今未諳滄海路何處
玉山岑灘激黃牛暮雲屯白帝陰遙知霑洒意不
減欲分襟

鏡檻

鏡檻芙蓉入香臺翡翠過撥弦驚火鳳交扇拂天
鵲隱忍陽城笑喧傳郢市歌仙眉瓊作葉佛髻鈿
爲螺五里無因霧三秋只見河月中供藥剎海上
得綃多玉集胡沙割犀留聖水磨斜門穿戲蝶小

閣鎖飛蛾騎檐侵韉卷車帷約憶鉞傳書兩行雁
取酒一封駝橋迴涼風壓溝橫夕照和待鳥燕太
子駐馬魏東阿想像鋪芳緡依稀解醉羅散時簾
隔露臥後幕生波梯穩從攀桂弓調任射莎豈能
拋斷夢聽鼓事朝珂

碧瓦

碧瓦銜珠樹紅輪結綺寮無雙漢殿髻第一楚宮
腰露唾香難盡珠啼冷易銷歌從雍門學酒是蜀
城燒柳暗將翻巷荷歌正抱橋鈿轅開道入金管
隔鄰調夢到飛魂急書成卽席遙河流衝柱轉海

沫近槎飄吳市嶢峴甲巳竇翡翠翹他時未知意
重疊贈嬌嬈

腸

有懷非昔恨不柰寸腸何卽席迴彌久前時斷固
多熱應翻急燒冷欲徹空波隔樹淅淅雨通池點
點荷倦程山向背望國關嵯峨故念飛書及新懽
借夢過染筠休伴淚繞雪莫追歌擬問陽臺事年
深楚語訛

永樂縣所居一草一木無非自栽今春悉已
芳茂因書卽事一章

手種悲陳事心期翫物華柳飛彭澤雪桃散武陵
霞似嫩樓鸞葉桐香待鳳花綬藤縈弱蔓袍草展
新芽學植功雖倍成蹊跡尚賒芳年誰共翫終老
邵平瓜

崇讓宅東亭醉後沔然有作

韋氏述征記洛陽崇讓坊有河

陽節度使王茂先宅李卽茂先婿也

曲岸風雷罷東亭霽日涼新秋仍酒困幽興暫江
鄉搖落真何遽交親或未亡一帆彭蠡月數雁塞
門霜俗態雖多累仙標發近狂聲名佳句在身世
玉琴張萬古山空碧無人鬢免黃驂騮憂老大題

鵝妬芬芳密竹沉虛籟孤蓮汨晚香如何此幽勝
淹臥劇清漳

南潭上亭讌集以疾後至因而抒情

馬卿聊應召謝傳已登山歌發百花外樂調深竹
間鵲舟縈遠岸魚鑰啓重關鸞蝶如相引煙蘿不
暇攀佳人敬玉齒上客領朱顏肯念沉疴士俱期
倒載還

商於

商於朝雨霽歸路有秋光背塢猿收果投巖麝退
香建瓴真得勢橫戟豈能當割地張儀詐謀身綺

季長清渠州外月黃葉廟前霜今日看雲意依依

入帝鄉

談苑云商汝山中多麝絕愛其膽每爲人所逐勢且急卽自投高巖舉爪裂出其膽

就縈而死猶拱四足以保其膽

李商隱詩曰投巖麝退香是也

西溪

樊南集有上柳仲郢啓云前因暇日出次西溪旣惜斜陽聊裁短句指此詩也

悵望西溪水潺湲柰爾何不驚春物少只覺夕陽
多色染妖韶柳光含窈窕蘿人間從到海天上莫
爲河鳳女彈瑤瑟龍孫撼玉珂京華他夜夢好好
寄雲波

聖女祠

杳藹逢仙跡蒼茫滯客途何年歸碧落此路向皇

都消息期青雀逢迎異紫姑腸迴楚國夢心斷漢
宮巫從騎裁寒竹行車蔭白榆星娥一去後月姊
更來無寡鵠迷蒼壑羈鳳凰怨翠梧唯應碧桃下
方朔是狂夫

謝往桂林至彤庭竊詠

辰象森羅正鈞陳翊衛寬魚龍排百戲劍佩儼千
官城禁將開晚宮深欲曙難月輪移几席仙路下
闌干共賀高禋應將陳壽酒歡金星壓芒角銀漢
展波瀾王母來空濶羲和上屈盤鳳皇傳詔旨
牙冠朝端造化中台座威風大將壇甘泉猶望幸

早晚冠呼韓

酬令狐郎中見寄

時爲湖州刺史

望郎臨古郡佳句灑丹青應是丘遲宅仍過柳惲
汀封來江渺渺信去雨冥冥句曲聞仙訣臨川得
佛經朝吟堵客枕夜讀漱僧瓶不見銜蘆雁空流
腐草螢土宜悲坎井天怒識雷霆象卉分疆近蛟
涎浸岸腥補羸貪紫桂負氣託青萍萬里懸離抱
危於訟閣鈴

五言述德抒情詩一首四十韻獻上杜七兄
僕射相公

帝作黃金闕仙開白玉京有人扶太極維岳降元
精耿賈官勲大荀陳地望清旂常懸祖德甲令著
嘉聲經出宣尼壁書留晏子楹武鄉傳陣法踐土
主文盟自昔流王澤山來仗國楨九河分合沓一
柱忽崢嶸得主勞三顧驚人肯再鳴碧虛天共轉
黃道日同行後飲曹參酒先和傳說羨卽時賢路
闢此夜泰階平願保無疆福將圖不朽名率身期
濟世卽額慮興兵感念嶠屍露咨嗟趙卒坑儻令
安隱忍何以贊貞明惡草雖當路寒松實挺生人
言真可畏公意本無爭故事留臺閣前驅且旆旌

芙蓉王儉府楊柳亞夫營清瘦頻踈俗高談屢析
醒過庭多令子乞墅有名甥南詔應聞命西山莫
敢驚寄辭收的博端坐掃攬捨雅宴初無倦長歌
底有情檻危春水暖樓迴雪峰晴移席牽綳蔓迴
橈撲絳英誰知杜武庫只見謝宣城有客趨高義
于今滯下卿登門慙後至置驛恐虛迎自是依劉
表安能比老彭雕龍心已切畫虎意何成豈省曾
黔突徒勞不倚衡乘時乖巧宦占象合艱貞廢弃
淹中學遲迴谷口耕悼傷潘岳重樹立馬遷輕隴
鳥悲丹紫湘蘭怨紫莖歸期過舊歲旅夢繞殘更

弱植叨華族衰門倚外兄欲陳勞者曲未唱淚先橫

今月二日不自量度輒以詩一首四十韻干
瀆尊嚴伏蒙仁恩俯賜披覽獎踰其實情溢
於辭顧惟踈蕪曷用酬戴輒復五言四十韻
詩一章獻上亦詩人咏歎不足之義也

家擅無雙譽朝居第一功四時當首夏八節應條
風滌濯臨清濟巉巖倚碧嵩鮑壺水皎潔王佩玉
丁東韓奕決錄要注云漢末絕無王佩侍中王粲識舊佩始復作之今王佩受法於粲也故云
處劇張京兆通經戴侍中將星臨迥夜卿月麗層

穹下令銷秦盜高談破朱龔含霜太山竹拂霧嶧
陽祠樂道乾知退當官蹇匪躬服箱青海馬入兆
渭川熊固是符真宰徒勞讓化工鳳池春潏潏雞
樹曉瞳臙願守三章約嘗期九譯通薰琴調大舜
寶瑟和神農慷慨資元老周旋直狡童仲尼羞問
陣魏絳喜和戎欸欸將除蠹孜孜欲達聰所求因
渭濁安肯與雷同物議將調鼎君恩忽賜弓開吳
相上下全蜀占西東銳卒魚懸餌豪胥鳥在籠疲
民呼杜母鄰國仰羊公置驛推東道安禪合北宗
嘉賓增重價上士悟真空扇舉遮王導樽開見孔

融煙飛愁舞罷塵定惜歌終岸柳兼池綠園花映
燭紅未曾周顓醉轉覺季心恭繫滯喧人望便蕃
屬聖裏天書何日降庭燎幾時烘早歲乖投刺今
晨幸發蒙遠途哀跛鼈薄藝獎雕蟲故事曾尊隗
前修有薦雄終須煩刻畫聊擬更磨礪蠻嶺晴留
雪巴江晚帶楓營巢憐越燕裂帛待燕鴻自苦誠
先蘖長飄不後蓬容華雖少健思緒卽悲翁感激
淮山館優游碣石宮待公三人相不祚始無窮

自桂林奉使江陵途中感懷寄獻尚書

下客依蓮幕明公念竹林

自注公與江陵相國韶叙叔姪

縱然膺

使命何以奉徽音投刺雖傷晚酬恩豈在今迎來
新瑣闥從到碧瑤岑水勢初知海天文始識參固
慙非賈誼唯恐後陳琳前席驚虛辱華樽許細斟
尚憐秦痔苦不遣楚醪沉旣載從戎筆仍披選勝
襟瀧通伏波柱簾對有虞琴宅與嚴城接門藏別
岫深閣涼松冉冉堂靜桂森森社內容周續鄉中
保展禽白衣居士訪烏帽逸人尋佞佛將成縛耽
書或類潘長懷五穀贖終著九州箴良訊封鴛綺
餘光借玳簪張衡愁浩浩沈約瘦悵悵蘆白疑粘
鬢楓丹欲照心歸期無雁報旅抱有猿侵短日安

能駐低雲只有陰
亂鴉衝曉網寒女簇遙砧東道
違寧久西園望不禁江山魂黯黯
泉客淚涔涔逸翰應藏法高辭肯
浪吟數須傳庾翼莫獨與盧諶
假寐憑書簾哀吟扣劍鐔未嘗貪
偃息那復議登臨彼美迴清鏡其
誰受曲針人皆向燕路無乃費
黃金

細雨成詠獻尚書河東公

灑砌聽來響卷簾看已迷江間風
颭定雲外日應西稍稍落蝶粉斑
斑融燕泥颭萍初過沼重柳更綠
堤必擬和殘漏寧無晦暝聲半將
花漠漠全共

草萋萋猿別方長嘯烏驚始獨樓
府公能入詠聊且續新題

玄微先生

仙翁無定數時入一壺藏夜夜桂露濕村村挑水
香醉中拋浩劫宿處起神光藥裹丹山鳳碁函白
石郎弄河移砥柱吞月倚扶桑龍竹栽輕策蛟絲
熨下裳樹栽嗤漢帝橋板笑秦皇徑欲隨關令龍
沙萬里強

戲贈張書記

別館君孤枕空庭我閉關池光不受月野氣欲沉

山王荊公曰二語雖
札少陵無以過

星漢秋方會關河夢幾還危

絃傷遠道明鏡惜紅顏古木含風久平蕪盡日閒
心知兩愁絕不斷若循環

寄太原盧司空三十韻

隋艦臨淮甸唐旗出井陘斷鼉桴四柱卓馬濟三
靈祖業隆盤古孫謀復大庭從來師傑俊可以煥
丹青舊族開東岳雄圖奮北溟邪同獬豸觸樂伴
鳳凰聽酣戰仍揮日降妖亦闕霆將軍功不伐叔
舅德惟馨雖塞誰生事狼煙不暫停擬填滄海鳥
敢競太陽螢內草纔傳詔前茅已勒銘那勞出師

表盡入大荒經德水縈長帶陰山繚畫屏只憂非
縈肯未覺有臃腫保佐資冲漠扶持在杳冥乃心

防暗室華髮稱明廷按甲神初靜鳴聲思欲醒義

之當妙選

小弟義叟早蒙眷以嘉姻

孝若近歸寧

三十五丈明府高科來歸

下月色來侵幌詩成看轉櫺羅含黃菊宅柳憚白

蘋汀神物龜酬孔仙才鶴姓丁西山童子藥南極

老人星自頃徒窺管于今愧挈瓶何由叨末席還

得叩玄扃莊叟虛悲雁終童漫識廳幕中雖策畫

劍外且伶俜俛俛行忘止鰥鰥臥不瞑身應瘠於

魯淚欲溢爲縈禹貢思金鼎堯圖憶上綱公乎來

入相王

一作皇

欲駕云亭

病中聞河東公樂營置酒口占寄上

聞駐行春旆中途賞物華緣憂武昌柳遂憶洛陽
花稽鶴元無對荀龍不在誇只將滄海月長壓赤

城霞興欲傾燕館歡終到習家風長應側帽

獨孤景公

信舉止風流營風吹帽傾觀者滿路

路隘豈容車樓迴波窺錦窓虛

日弄沙鏤門金了鳥展障玉鴉叉舞妙從兼楚歌

能莫雜巴必投潘岳果誰操襴衡擲刻燭當時忝
傳孟此夕賒可憐漳浦臥愁緒獨如麻

詠懷寄秘閣舊僚二十六韻

年鬢日堪悲，衡茅益自嗤。攻文枯若木，處世鈍如錐。
敢忘垂堂誡，寧將暗室欺。懸頭曾苦學，折臂反成醫。
僕御嫌夫懦，孩童笑叔癡。小男方嗜栗，幼女漫憂葵。
遇炙誰先噉，逢葢卽便吹。官銜同畫餅，面貌乏凝脂。
典籍將蠶測，文章若管窺。圖形翻類狗，入夢肯非羅。
自哂成書簞，終當呪酒卮。懶霑襟上血，羞鑑鏡中絲。
橐籥言方喻，撈蒲齒詎知。事神徒惕慮，佞佛愧虛辭。
曲藝垂麟角，浮名狀虎皮。乘軒寧見寵，巢幕更逢危。
禮俗拘嵇喜，侯王忻戴逵。途窮方結舌，靜勝但搘頤。
糲食空彈劍，亨衢詎置錐。

栢臺成口號芸閣暫肩隨悔逐遷鶯伴誰觀擇虱
時甕間眠太率床下隱何卑奮跡登弘閣摧心對
董帷校讐如有暇松竹一相思

太鹵平後移家到永樂縣居書懷十韻寄劉
韋二前輩二公嘗於此縣寄居

驅馬遶河干家山照露寒依然五柳在况復百花
殘昔去驚投筆今來分挂冠不憂懸磬乏乍喜覆
盂安甌破寧迴顧舟沉豈暇看脫身離虎口移疾
就猪肝鬢入新年白頰無舊日丹自悲秋穫少誰
懼夏畦難逸志忘鴻鵠清香披蕙蘭還持一盃酒

坐想二公懽

靈仙閣晚眺寄鄆州韋評事

愚公方住谷仁者本依山其誓林泉志胡爲樽俎
間華蓮開茵蔕荆玉刻孱顏爽氣臨周道嵐光出
漢關滿壺從蟻泛高閣已苔斑想就安車召寧期
負米還潘遊全壁散郭去半舟閒定笑幽人迹鴻
軒不可攀

謝先輩防

一作防

記念拙詩甚多異日偶有此

寄

曉用雲添句寒將雪命篇良辰多自感作者豈皆

然熟寢初同鶴舍嘶欲並蟬題時長不展得處定
應偏南浦無窮樹西樓不住煙改成人寂寂寄與
路綿綿星勢寒垂地河聲曉上天夫君自有恨聊
借此中傳

興寄視他篇自超惜重
寒曉二字爲全壁之玷

戊籤二李商隱之六

唐音統籤卷

五百六十八

五言排律二

送從翁從東川弘農尚書幕

大鎮初更帥嘉賓素見邀使車無遠近歸路更煙
霄穩放驂騑步高安翡翠巢御風知有在去國肯
無聊早忝諸孫末俱從小隱招心懸紫雲閣夢斷
赤城標素女悲清瑟秦娥弄碧簫山連玄圃近水
接絳河遙豈意聞周鐸翻然慕舜韶皆辭喬木去
遠逐斷蓬飄薄俗誰其激斯民已甚忉鸞皇期一
舉燕雀不相饒敢共頽波遠因之內火燒是非過

別夢時節慘驚風未至誰能賦中乾欲病瘠屢曾
紆錦繡勉欲報瓊瑤我恐霜侵髻君先綬挂腰甘
心與陳阮揮手謝松喬錦里差鄰接雲臺閉寂寥
一川虛月魄萬崦自芝苗瘴雨瀧間急離魂峽外
銷非關無燭夜其柰落花朝幾處逢鳴珮何筵不
翠翹蠻僮騎象舞江市賣鮫綃南詔知非敵西山
亦屢驕勿貪佳麗地不爲聖明朝少減東城飲時
看北斗杓莫因乖別久遂逐歲寒凋盛幕開高宴
將軍問故寮爲言公玉季早日棄漁樵

酬別令狐補闕

惜別夏仍半迴途秋已期那修直諫草更賦贈行
詩錦段知無報青萍肯見疑吾生有通塞公等繫
安危警露鶴辭侶吸風蟬抱枝彈冠如不問又到
掃門時

贈送前劉五經映三十四韻

建國宜師古典邦屬上庠從來以儒戲安得振朝
綱叔世何多難茲基遂已亡泣麟猶委吏歌鳳更
佯狂屋壁餘無幾焚坑逮可傷挾書秦二世填宅
壤諸王草草臨盟誓區區務富強微茫金馬署獵
籍闢難場盡欲心無竅皆如面正牆驚疑豹文景

貪竊虎皮羊南渡宜終否西遷冀小康策非方正
士貢絕孝廉郎海鳥悲鐘鼓徂公畏服裳多岐空
擾擾幽室竟悵悵疑邈爲時範虛空作士常何由
羞五霸直自咎三皇別派驅楊墨他鑣並老莊詩
書賸破冢法制困探囊周禮仍存魯隋師果禪唐
鼎新麾一舉革故法三章星宿森文雅風雷起退
藏縲囚爲學切掌固受經忙夫子時之彥先生跡
未荒褐衣終不召白首興難忘感激誅非聖棲遲
到異帳片辭褒有德一字貶無良燕地尊鄒衍西
河重卜商式問真道在擁篲信謙光

外舅太原公
亦受經於公

也獲預青衿列叨來絳帳旁雖從各言志還要大
爲防勿謂孤寒棄深憂訐直妨叔孫讒易得盜跖
暴難當雁下秦雲黑蟬休隴葉黃莫踰巾履念念容
許後升堂

送千牛李將軍赴闕五十韻

照席瓊枝秀當年紫綬榮班資古直閣勲伐舊西
京在昔王綱紊因誰國步清如無一戰霸安有大
橫庚內豎依憑切內門責望輕中台終惡直上將
更要盟丹陛祥煙滅皇闈殺氣橫喧闐衆狙怒容
易八蠻驚僑枕寬之久防風戮不行素來矜異類

此去豈親征捨魯真非策居邠未有名曾無力牧
御寧待兩師迎火箭侵乘石雲橋逼禁營何時絕
刁斗不夜見攬槍屢亦聞投鼠誰其敢射鯨世情
休念亂物議笑輕生大鹵思龍躍蒼梧失象耕靈
衣沾媿汗儀馬困陰兵別館蘭薰酷深宮蠟焰明
黃山遮舞態黑水斷歌聲縱未移周鼎何辭免趙
坑空拳轉闕地數板不沉城且欲憑神笑無因計
力爭幽囚蘇武節弃市仲由纓下殿言終驗增埤
事早萌

先時柔道茂
請修奉天城

蒸雞殊減膳屑麴異和羹否

極時還泰屯餘運果亨流離幾南度倉卒得西平

神鬼收昏黑姦兇首

去聲

滿盈官非督護貴師以丈

人貞覆載還高下寒暄急改更馬前烹芥卓壇上
挹韓彭扈蹕三才正迴軍六合晴此時唯短劍仍
世盡雙旌顧我猶群從逢君歎老成慶流歸嫡長
貽厥在名卿隼擊須當要鵬搏莫問程趨朝排玉
座出位泣金莖幸藉梁園賦叨蒙許氏評中郎推
貴婿定遠重時英政已標三尚人今佇一鳴長刀
懸月魄快馬駭星精披豁慙深眷睽離動素誠蕙
留春晚晚松待歲嶢嶢異縣期迴雁登時已飮鱸
去程風刺刺別夜漏丁丁庾信生多感楊朱死有

情絃危中婦瑟甲冷想夫箏會與秦樓鳳俱聽漢苑鴛洛川迷曲沼煙月兩心傾

魏侯第東北樓堂郢叔言別聊用書所見成篇

暗樓連夜閣不擬爲黃昏未必斷別淚何曾妨夢
覓疑穿花逶迤漸近火溫磨海底翻無水仙家却
有村鎖香金屈戌殢酒玉崑崙羽白風交扇冰清
月印盆舊歡塵自積新歲電猶奔霞綺空留段雲
峰不帶根念君千里舸江草漏燈痕

別薛巖賓

曙爽行將拂晨清坐欲凌別離真不那風物正相
仍漫水任誰照衰花淺自矜還將兩袖淚同向一
窓燈桂樹垂真隱芸香是小懲清規無以況且用
玉壺冰

哭遂州蕭侍郎二十四韻

遙作時多難先令禍有源初驚逐客議旋駭黨人
冤密侍榮方入司刑望愈尊皆因優詔用實有諫
書存苦霧二辰沒窮陰四塞昏虎威狐更假隼擊
鳥踰喧徒勞心存闕終遭耳屬垣遺音和蜀魄易
簣對巴猿有女悲初寡無男泣過門

自注公止裴氏一女結婚

之明年又

喪良人

朝爭屈原草廟餒莫敖竟迴閣傷神嘆

長江極望翻青雲寧寄意白骨始沾恩早歲思東

閣爲邦屬故園

余初謁於鄭舍

登舟慚郭泰解榻愧陳蕃

分以忘年契情由錫類敦公先真帝子我系本王

孫笑傲張高蓋從容接短轅秋吟小山桂春醉後

堂萱自歎離通籍何嘗忘叫闈不成穿壙入終擬

上書論多士還魚貫云誰正駿奔暫能誅倏忽長

與問乾坤蟻漏三泉路蠶啼百草根始知同泰講

傲福是虛言

哭虔州楊侍郎

虞卿

漢網疎仍漏齊民困未蘇如何大丞相翻作弛刑

徒中憲方外易

史記云商鞅多左建外易

尹京終就拘本矜能

弭謗先議取非辜巧有凝脂密功無一柱扶深知
獄吏貴幾迫季冬誅叫帝青天濶辭家白日晡流
亡誠不弔神理若爲誣在昔恩知忝諸生禮秩殊
入韓非劍客過趙受鉗奴楚水招魂遠卽山卜宅
孤甘心親堊蟻旋踵戮城狐

是冬舒李伏戮

陰隲今如此

天灾未可無莫憑牲玉請便望救焦枯

賦得月照冰池

皓月方離海堅冰正滿池金波激雙射壁彩兩參

唐音新編
差影占徘徊處光含的礫時高低連素色上下接
清規顧兔飛難定潛魚躍末期鵲驚俱欲遶孤聽
始無疑似鏡將盈手如霜恐透肌獨憐遊翫意達
曉不知疲

賦得桃李無言

天桃花正發穠李葉方繁應候非爭艷成蹊不在
言靜中霞暗吐香處雪潛翻得意搖風態含情泣
露痕芬芳光上苑寂默委中園赤白徒自許幽芳
誰與論

喜雪

朔雪自龍沙呈祥勢可嘉有田皆種玉無樹不開
花斑扇傭裁素曹衣詎比麻驚歸逸少宅鶴滿令
威家寂寞門扉掩依稀履跡斜人疑遊麴市馬似
困鹽車洛水妃虛妬姑山客漫誇聯辭追許謝和
曲本慙巴粉署闌全隔霜臺路漸賒此時傾賀酒
相望在京華

四年冬以退居蒲之永樂渴然有農夫望歲
之志遂作憶雪又作殘雪詩各一百言以寄
情於游舊

愛景人方樂同雲候稍憊徒聞周雅什願誦朔風

篇欲俟千箱慶須資六出妍詠留飛絮後歌倡落
梅前庭樹思瓊蕊粧樓認粉懸瑞邀盈尺日豐待
兩岐年預約延枚酒虛乘訪戴船映書孤志業披
鑒阻神仙幾向霜堦步頻將月幌褰玉京應已足
白屋但潏然

憶雪

旭日開晴色寒空失素塵遶墻全剝粉傍井漸銷
銀刻獸摧鹽虎爲山倒玉人珠還猶照魏壁碎尚
留秦落日驚侵晝餘光悞惜春簷冰滴鷺管屋瓦
鏤魚鱗嶺霽嵐光圻松暄翠粒新擁林愁拂盡着
砌恐行頻焦寢忻無患梁園去有因莫能知帝力

空此荷平均

殘雪

燈

皎潔終無倦煎熬亦自求
花時隨酒遠雨夜背窓
休冷暗黃茅驛暄明紫
桂樓錦囊名畫掩玉局
敗碁收何處無佳夢誰
人不隱憂影隨簾桺轉
光信簞文流客自勝潘
岳儂今定莫愁固應留
半焰迴照下幃羞

武侯廟古柏

蜀相階前栢龍蛇
捧闕宮陰成外江
畔老向惠陵東
大樹思馮異甘棠
憶召公葉凋湘
鷺雨枝折海

鸛風玉壘經綸遠金刀歷數終誰將出師表一爲
問昭融

垂柳

垂柳碧髯茸樓昏雨帶容思量成夜夢來久發春
慵梳洗憑張敞乘騎笑稚恭碧虛隨轉笠紅燭近
高春怨日明秋水愁眉淡遠峰小欄花盡蝶靜院
醉醒蛩舊作琴臺鳳今爲藥店龍寶奩拋擲久一
任景陽鍾

古讀曲歌飛龍落藥店骨出
只爲汝今本誤作藥杏正之

杏花

上國昔相值亭亭如欲言異香今暫賞脉脉豈無

恩懷少風多力牆高月有痕爲含無限意遂到不
勝繁仙子玉京路主人金谷園幾時辭碧落誰伴
過黃昏鏡拂鉛華膩爐藏桂燼溫終應催竹葉先
擬詠桃根莫學啼成血從教夢寄魂吳王採香逕
失路入煙村

木蘭

二月二十二木蘭開拆初初當新病酒復自久離
居愁絕更傾國驚新聞遠書紫絲何日郵油壁幾
時車弄粉知傷重調紅或有餘波散空耿襪煙態
不勝裾桂嶺含芳遠蓮塘屬意疎嬌嬈與神女長

短定何如

和孫朴韋蟾孔雀詠

此去西梁遠今來萬里攜西施因網得秦客被花
迷可在青鸚鵡非關碧野雞約眉憐翠羽刮膜想
金篦瘴氣籠飛遠蠻花向坐低輕於趙皇后貴極
楚懸黎都護矜羅幕佳人炫繡袿屏風臨燭釵捍
撥倚香臍舊思牽雲葉新愁待雪泥愛堪通夢寐
畫得不端倪地錦排蒼雁簾釘鏤白犀曙霞尾斗
外凉月露盤西妬好休誇舞經寒且少啼紅樓三
十級穩穩上丹梯

失題

舊本題作送從翁東川弘農尚書幕今詳詩意似誤改標失題俟考

昔帝廻冲眷維皇側上仁三靈迷赤氣萬彙叫蒼
旻刊木方隆禹升阨始創殷夏臺曾圯閉汜水敢
逡巡拯溺休規步防虞要徙薪蒸黎今得請宇宙
昨還淳纘祖功宜急貽孫計甚勤降災雖代有稔
惡不無因宮掖方爲蠱邊隅忽遭屯獻書秦逐客
間諜漢名臣北伐將誰使南征決此辰中原重板
蕩玄象失鈞陳詔旦違清道銜枚別紫宸茲行殊
厭勝故老遂分新去異封於輦來寧避處幽永嘉
幾失墜宣政遽酸辛元子當傳啟皇孫合授詢時

非三揖讓表請再陶鈞舊好盟還在中樞策屢運
蒼黃傳國璽違遠屬車塵鷁虎如憑怒蔡龍性慢
馴封崇自何等流落乃斯民逼撓官軍亂優容敗
將頻早朝披草莽夜紼達絲綸忘戰追無及長驅
氣益振婦言終未易廟略况非神日馭難淹蜀星
旄要定秦人心誠未去天道亦無親錦水涵雲浪
黃山掃地春斯文虛夢鳥吾道欲悲麟斷續殊鄉
淚存亡滿席珍魂銷季羔寶衣化子張紳建議庸
何所通班肯濫臻浮生見開泰獨得詠汀蘋

戊籤二李商隱之七

唐音統籤卷

五百六十九

七言律詩一

人日卽事

文王喻復今朝是子晉吹笙此日同舜格有苗旬
太遠周稱流火月難窮鏤金作勝傳荆俗翦綵爲
人起晉風獨想道衡詩思苦離家恨得二年中

二月二日

二月二日江上行東風日暖聞吹笙花鬚柳眼各
無賴紫蝶黃蜂俱有情萬里憶歸元亮井三年從
事亞夫營新灘莫悞遊人意更作風簷雨後聲

春日寄懷

世間榮落重逡巡我獨丘園坐四春縱使有花兼
有月可堪無酒又無人青袍似草年年定白髮如
絲日日新欲逐風波千萬里未知何路到龍津

卽日

一歲林花卽日休江間亭下悵淹留重吟細把真
無奈已落猶開未放愁山色正來銜小苑春陰只
欲傍高樓金鞍忽散銀壺滴更醉誰家白玉鉤

寫意

燕鴈迢迢隔上林高秋望斷正長吟人間路有潼

江險天外山惟玉壘深日向花間留返照雲從城
上結層陰三年已制思鄉淚更入新年恐不禁

無題

萬里風波一葉舟憶歸初罷更夷猶碧江地沒元
相引黃鶴沙邊亦少留益德冤魂終報主阿童高
義鎮橫秋人生豈得長無謂懷古思鄉一作賢共白

頭

漢南書事

西師萬衆幾時迴哀痛天書近已裁文吏何曾重
刀筆將軍猶自舞輪臺幾時拓土成王道從古窮

兵是禍胎陛下好生千萬壽玉樓長御白雲杯

重有感

玉帳牙旗得上游安危須共主君憂寶融表已來
關右陶侃軍宜次石頭豈有蛟龍愁失水更無鷹
隼與高秋晝號夜哭兼幽顯早晚星關雪涕收

隨師東

東征日調萬黃金幾竭中原買關心軍令未聞誅
馬謖捷書唯是報孫歆自注平吳之役上言得歆吳平孫尚在但須
驚鷺巢阿閣豈暇鳴鵲在泮林可惜前朝玄菟郡
積骸成莽陣雲深

杜工部蜀中離席

人生何處不離羣，世路干戈惜暫分。
雪嶺未歸天外使，松州猶駐殿前軍。
座中醉客延醒客，江上晴雲雜雨雲。
美酒成都堪送老，當壚仍是卓文君。

荊門西下

一夕南風一葉危，荊雲迴望夏雲時。
人生豈得輕離別，天意何嘗忌嶮巇。
骨肉書題忘紀復，蕙蘭蹊徑失佳期。
洞庭湖濶蛟龍惡，却羨楊朱泣路岐。

潭州

潭州官舍暮樓空，今古無端入望中。
湘淚淺深滋

竹色楚歌重疊怨蘭叢陶公戰艦空難雨買傳承
塵破廟風日斷故園人不至松醪一醉與誰同

安定城樓

迢遞高城百尺樓綠楊枝上盡汀洲賈生年少虛
垂淚王粲春來更遠遊永憶江湖歸白髮欲迴天
地入扁舟不知腐鼠成滋味猜憶鴛鴦雛竟未休

王荆公深取之以
爲老杜無以過

水齋

多病欣依有道邦南塘晏起想秋江捲簾飛燕還
拂水開戶暗蟲猶打窓更闕前頭已披卷仍斟昨

夜未開缸誰人爲報故交道莫惜鯉魚時一雙

題僧壁

捨生求道有前蹤
乞腦剜身結願重
大去便應欺栗顆
小來兼可隱針鋒
蚌胎未滿思新桂
琥珀初成憶舊松

舊松前生新桂來生通三生纔得一偈法故如是

若信貝多真

實語三生同聽一樓鐘

復至裴明府所居

伊人卜築自幽深
桂巷杉籬不可尋
桂上雕蟲對書字
槽中瘦馬仰聽琴
求之流輩豈易得
行矣關山方獨吟
除取松醪一斗酒
與君相伴灑煩襟

子初郊墅

看山對酒君思我聽鼓離城我訪君臘雪已添牆
下水齋鐘不散檻前雲陰移竹栢濃還淡歌襍漁
樵斷更聞亦擬村南買煙舍子孫相約事耕耘

十字水期韋潘侍御同年不至時韋寓居水
次故郭汾寧宅

伊水濺濺相背流朱欄畫閣幾人遊漆燈夜照真
無數蠟炬晨炊竟未休顧我有懷同大夢期君不
至更沉憂西園碧樹今誰主與近高窓臥聽秋

與同年李定言曲水閒話戲作

海鷺參差溝水流同君身世屬離憂相携花下非
秦贅對泣春天類楚囚碧草暗侵穿苑路珠簾不
捲枕江樓莫驚玉膝埋香骨地下傷春亦白頭

七月二十九日崇讓宅燕作

露如微霰下前池月過迴塘萬竹悲浮世本來多
聚散紅蕖何事亦離披悠揚歸夢唯燈見濩落生
涯獨酒知豈到白頭長只爾嵩陽松雪有心期

九日

太平廣記云義山爲令狐綯父彭陽公從事綯繼有韋平之拜似陳義山未嘗

展分重陽日諸宅不見於廳事題此詩綯慚悵命窮閉此廳終身不處一說以爲綯見詩爲

補博士

曾共山翁把酒時
霜天白菊遶堦墀
十年泉下無消息
九口罇前有所思
不學漢臣栽苜蓿
空教楚客詠江離
郎君官貴施行馬
東閣無因再得窺

奉同諸公題河中任中丞新勑河亭四韻之作

萬里誰能訪十洲
新亭雲構壓中流
河蛟縱翫難爲室
海蜃遙驚耻化樓
左右名山窮遠目
東西大道鎖輕舟
獨留巧思傳千古
長與蒲津作勝遊

題道靖院院在中條山故王顏中丞所置號
州刺史捨官居此今寫真存焉

紫府丹成化鶴群，青松手植變龍文。
壺中別有仙家日，嶺上猶多隱士雲。
獨坐遺芳成故事，寨帷舊貌似元君。
自憐築室靈山下，徒望朝嵐與夕暉。

奉和太原公送前楊秀才戴兼招楊正字戎
潼關地接古弘農，萬里高飛鴈與鴻。
桂樹一枝當白日，芸香三代繼清風。
仙舟尚惜乖雙美，綵服何由得盡同。
誰憚士龍多笑疾，美髭終類晉司空。

和劉評事永樂閒居見寄

白社幽閒君暫居，青雲罷業我全疎。
看封諫草歸鸞掖，尚賁衡門待鶴書。
蓮聳碧峰關路近，荷翻翠

扇水堂虛自探典籍忘名利歆枕時驚落蠹魚

鄭州獻從叔舍人襄

蓬島煙霞閬苑鐘三官牋奏附金龍茅君奕世仙
曹貴許掾全家道氣濃絳簡尚叅黃紙案丹爐猶
用紫泥封不知他日華陽洞許上經樓第幾重

贈司勳杜十三員外

杜牧司勳字牧之清秋一首杜陵詩前身應是梁
江總名總還曾字總持心鐵已從千鎖利鬢絲休
歎雪霜垂漢江遠弔西江水羊祜韋丹盡有碑

時杜

奉詔撰
韋碑

贈劉司戶賁

江風揚浪動雲根，重礎危檣白日昏。
已斷燕鴻初起勢，更驚騷客後歸魂。
漢廷急詔誰先入，楚路高歌自欲翻。
萬里相逢歡復泣，鳳巢西隔九重門。

贈趙協律皙

俱識孫公與謝公，二年歌哭處皆同。
已叨鄒馬聲華末，更共劉盧族望通。

自注：愚與趙俱出今吏部相公門下，又同爲故尚書

安平公所知，復皆
是安平公表姪。

南省恩深賓館在，東山事往妓

樓空。不堪歲暮相逢地，我欲西征君又東。

贈鄭讜處士

浪跡江湖白髮新浮雲一片是吾身寒歸山觀隨
棊局暖入汀洲逐釣輪越桂留烹張翰鱸蜀薑供
煮陸機尊相逢一笑憐疎放他日扁舟有故人

韓同年新居餞韓西迎家室戲贈

韓瞻字畏之與商隱

同擢開成二年進士第其子卽
僱小字冬郎商隱亦有詩稱之

籍籍征西萬戶侯新緣貴塔起朱樓一名我漫居
先甲千騎君翻在上頭雲路招邀迴彩鳳天河迢
遞天牽牛南朝禁鬱無人近瘦盡瓊枝詠四愁

留贈畏之

自注時將赴職梓潼遇迴
三首內二首墜絕句中

清時無事奏明光不遣當關報早霜中禁詞臣尋

引領左川歸客自迴腸郎君下筆驚鸚鵡侍女吹
笙美鳳凰空記大羅天上事衆仙同日詠霓裳

王十二兄與畏之員外相訪見招小飲時予
以悼亡日近不去因寄

謝傳門庭舊未行今朝歌管屬檀郎更無一處簾
垂地欲拂塵時簾竟床嵇氏幼男猶可憫左家嬌
女豈能忘愁霖腹疾俱難遣萬里西風夜正長

赴職梓潼留別畏之員外同年

佳兆聯翩遇鳳皇雕文羽帳紫金床桂花香處同
高第柿葉翻時獨悼亡烏鵲失棲長不定鴛鴦何

事自相將京華庸蜀三千里送到咸陽見夕陽

贈別前蔚州契苾使君

自注使君遠祖國初功臣也

何年部落到陰陵奕世勤王國史稱夜掩牙旗千
帳雪朝飛羽騎一河水蕃兒襁負來青塚狄女壺
漿出白登日晚鵬鵠泉畔獵路人遥識郅都鷹

贈華陽宋真人兼寄清都劉先生

淪謫千年別帝宸至今猶識藥珠人但驚茅許多
玄分不道劉盧是世親玉檢賜書迷鳳篆金華歸
駕冷龍鱗不因杖履逢周史徐甲何曾有此身

贈田叟

荷篠衰翁似有情相逢攜手遶村行
燒畚曉映遠山色伐樹暝傳深谷聲
鷗鳥忘機翻浹洽交親得路昧平生
撫躬道直誠感激在野無賢心自驚

贈從兄闔之

悵望人間萬事違
私書幽夢約忘機
荻花村裏魚標在
石蘚庭中鹿跡微
幽徑定攜僧共入
寒塘好與月相依
城中獬犬憎蘭佩
莫損幽芳久不歸

及第東歸次灞上却寄同年

芳桂當年各一枝
行期未分壓春期
江魚朔鴈長相憶
秦樹嵩雲自不知
下苑經過勞想像
東門送

餞又差池灞陵柳色無離恨莫枉長條贈所思

寄令狐學士

秘殿崔嵬拂彩霓曹司今在殿東西賡歌太液翻
黃鵠從獵陳倉獲碧雞曉飲豈知金掌迴夜吟應
訝玉繩低鈞天雖許人間聽閭闔門多夢自迷

行至金牛驛寄興元渤海尚書

樓上春雲水底天五雲章色破巴牋諸生箇箇王
恭柳從事人人庾杲蓮六曲屏風江雨急九枝燈
檠夜珠圓深慚走馬金牛路驟和陳王白玉篇

喜聞太原同院崔侍御臺拜兼寄在臺三二

同年之作

鵬魚何事遇屯同，雲水昇沉一會中。
劉放未歸雞樹老，鄒陽新去兔園空。
寂寥我對先生柳，赫奕君乘御史驄。
若向南臺見鸞友，爲傳蜚翹度春風。

梓州罷吟寄同舍

不揀花朝與雪朝，五年從事霍嫖姚。
君緣接座交珠履，我爲分行近翠翘。
楚雨含情皆有託，漳濱多病竟無憀。
長吟遠下燕臺去，唯有衣香染未銷。

行次昭應縣道上送吏部李郎中克昭義攻

討

將軍大旆掃狂童詔選名賢贊武功暫逐虎牙臨
故絳遠含雞舌過新豐魚遊沸鼎知無日鳥覆危
巢豈待風早勒勲庸燕石上佇光綸紵漢庭中

汴上送李郢之蘇州

人高詩苦滯夷門萬里梁王有舊園煙幌自應憐
白紵月樓誰伴詠黃昏露桃塗頰依苔井風柳誇
腰住水村蘇小小墳今在否紫蘭香逕與招魂

令狐八拾遺

綯

見招送裴十四歸華州

二十中郎未足稀驪駒先自有光輝蘭亭宴罷方
回去雪夜詩成道韞歸漢苑風煙催客夢雲臺洞

穴接郊扉嗟予久抱臨邛渴便欲因君問釣磯

送崔珣往西川

年少因何有旅愁欲爲東下更西遊一條雪浪吼
巫峽千里火雲燒益州卜肆至今多寂寞酒壚從
古擅風流浣花牋紙桃花色好好題詩詠玉鉤

過故府中武威公交城舊莊感事

信陵亭館接郊畿畿幽象遙通晉水祠日落高門喧
鷺雀風飄大樹撼熊羆新蒲似筆思投日芳草如
茵憶吐時山下祗今黃絹字淚痕猶墮六州兒

過伊僕射舊宅

朱邸方酬力戰功，華筵俄歎逝波窮。
迴廊簷斷燕飛出，小閣塵凝人語空。
幽淚欲乾殘菊露，餘香猶入敗荷風。
何能更涉瀧江去，獨立寒流弔楚宮。

哭劉蕡

上帝深宮閉九關，巫咸不下問銜冤。
廣陵別後春濤隔，湓浦書來秋雨翻。
只有安仁能作詠，何曾宋玉解招魂。
平生風義兼師友，不敢同君哭寢門。

戊籤二李商隱之八

唐音統籤卷五

百七十一

七言律詩二

辛未七夕

恐是仙家好別離
故教迢遞作佳期
由來碧落銀河畔
可要金風玉露時
清漏漸移相望久
微雲未接過來遲
豈能無意酬烏鵲
唯與蜘蛛乞巧絲

銀河吹笙

悵望銀河吹玉笙
樓寒院冷接平明
重衾幽夢他年斷
別樹羈雌昨夜驚
月榭故香因雨發
風簾殘燭隔霜清
不須浪作鵲山意
湘瑟秦簫自有情

聖女祠

松篁臺殿蕙香幃
龍護瑤窓鳳掩扉
無質易迷三里霧
不寒長著五銖衣
人間定有崔羅什
天上應無劉武威
寄問釵頭雙白燕
每朝珠館幾時歸

重過聖女祠

白石巖扉碧薜滋
上清淪謫得歸遲
一春猛雨常飄瓦
盡日靈風不滿旗

呂東萊愛此句以爲有不盡之意

萼綠華

來無定所杜蘭香
去未移時玉郎會
此通仙籍憶向天
階問紫芝

楚宮

以下咏古

湘波如淚色
淒淒楚禰迷
魂逐恨遙楓
樹夜猿愁
自斷女蘿山
鬼語相邀空
歸腐敗猶難
復更困腥
臊豈易招但
使故鄉三戶
在綵絲誰惜
懼長蛟

宋玉

何事荆臺百萬家

唯獨一作

教宋玉擅才華
楚辭已

不饒唐勒風賦
何曾讓景差
落日渚宮供觀
閣開年雲夢送
煙花可憐庾信
尋荒徑猶得三
朝託後車

茂陵

首二句
誤出韻

漢家天馬出蒲
梢苜蓿榴花徧
近郊內苑只知
含

鳳背

十洲記麟洲上多鳳麟炙麟角鳳背爲膠可連斷茲仙傳述遺曰武帝天漢三年北巡西

王母使使獻靈膠一兩帝射虎華林苑弩弦斷使口濡膠一分續之合鳳嘴謂口濡膠也此言武帝

好屬車無復挿雞翹蔡邕獨斷鸞旗者編羽毛列

出則鸞旗在前屬車在後玉桃偷得憐方朔金屋

修成貯阿嬌誰料蘇卿老歸國茂陵松柏雨蕭蕭

蘇武以武帝天漢元年出使留匈奴中昭帝始元六年歸詔武奉太牢謁武帝園廟

富平少侯

七國三邊未到憂十三身襲富平侯不收金彈拋

林外却惜銀床在井頭綵樹轉燈珠錯落繡檀迴

枕玉雕鏤當關不報侵晨客新得佳人字莫愁

少年

外戚平羌第一功，生年二十有重封。
直登宣室螭頭上，橫過甘泉豹尾中。
別館覺來雲雨夢，後門歸去蕙蘭叢。
灞陵夜獵隨田寶，不識寒郊自轉蓬。

井絡

井絡天彭一掌中，漫誇天設劍爲峰。
陣圖東聚燕

一作煙

江石

一作口

邊，併西懸雪嶺，松堪歎。故君成杜

宇，可能先主是真龍。將來爲報姦雄輩，莫向金牛訪舊蹤。

籌筆驛

魚鳥猶疑畏簡書風雲長爲護儲胥徒令上將揮
神筆終見降王走副車管樂有才真不忝關張無
命欲何如他年錦里經祠廟梁父吟成恨有餘

覽古

莫恃金湯忽太平草間霜露古今情空糊賴壤真
何益欲舉黃旗竟不成長樂瓦飛隨水逝景陽鐘
墜失天明迴頭一弔箕山客始信逃堯不爲名

南朝

玄武湖中玉漏催雞鳴埭口繡襦迴誰言瓊樹朝
朝見不及金蓮步步來敵國軍營漂木枿前朝神

廟鑠煙煤滿宮學士皆顏色江令當年只費才

詠史

歷覽前賢國與家成由勤儉破由奢何須琥珀方
爲枕豈得真珠始是車運去不逢青海鳥力窮難
拔蜀山蛇幾人曾預南薰曲終古蒼梧哭翠華

隋宮守歲

消息東郊木帝迴宮中行樂有新梅沉香甲煎爲
庭燎玉液瓊蘇作壽杯遙望露盤疑是月遠聞鼙
鼓欲驚雷昭陽第一傾城客不踏金蓮不肯來

隋宮

紫泉宮殿鑠煙霞欲取蕪城作帝家

司馬相如賦天子上林冊

水更其南紫淵徑其北唐人諱淵曰泉蕪城揚州也言煬帝棄國南遊

玉璽不緣歸

日角錦帆應是到天涯於今腐草無螢火終古垂

楊有暮鴉地下若逢陳後主豈宜重問後庭花

利州江潭

自注感孕金輪所今按九域志武

方輿勝覽其地皇澤寺有武后真容殿名勝記古利州廢城在今保寧府廣元縣縣之臨清門川王廟卽唐皇澤寺縣之南有黑龍潭蓋后母感龍而孕也

神劍飛來不易銷碧潭珍重駐蘭橈自攜明月移

燈疾欲就行雲散錦遙

海賦叙水性蛟室有雲錦散文於沙洲之際句用此

河伯軒窓通貝闕水宮帷箔卷冰綃他時燕脯無

人寄雨滿空城蕙葉彫

九成宮

十二層樓閭苑西平時避暑拂虹霓雲韶夏后雙
龍尾風逐周王八馬蹄吳岳曉幌連翠嶽甘泉晚
景上丹梯荔枝盧橘沾恩幸鸞鵲天書濕紫泥

馬嵬

海外徒聞更九州

鄒衍云九州之外復有九州

他生未卜此生

休空聞虎旅鳴宵柝無復難人報曉籌此日六軍

同駐馬當時七夕笑牽牛

楊妃外傳云玄宗與妃在驪山宮七月牛女之

夕夜半妃獨侍上上凭肩審誓願世世生生爲夫婦

如何四紀爲天子不及

盧家有莫愁

漁隱叢話云
結句淺近

曲江

望斷平時翠輦過空聞子夜鬼悲歌金輿不返傾
城色玉殿猶分下苑波死憶華亭聞喚鶴老憂王
室泣銅駝天荒地變心難折若比傷春意未多

玉山

似爲津要之力能薦士者
咏非情詞也下首意同

玉山高與閬風齊玉水清流不貯泥何處更求趙
日馭此中兼有上天梯珠容百斛龍休睡桐拂千
尋鳳要栖聞道神仙有才子赤簫吹罷好相攜

指津要子弟期

與之同登也

一片

一片非煙隔九枝蓬巒仙仗儼雲旗天泉水暖龍吟細露畹春多鳳舞遲榆莢散來星斗轉桂花尋去月輪移人間桑海朝朝變莫遣佳期更後期

深宮

金殿銷香閉綺櫳玉壺傳點咽銅龍狂飈不惜羅陰薄清露偏知桂葉濃斑竹嶺邊無限淚景陽宮裏及時鐘豈知爲雨爲雲處只有高唐十二峰

碧城三首

此似咏其時貴主事唐初公主多自請出家與二教人嫌近商隱同

時如文安潯陽平恩邵陽永嘉永安義昌安康諸主皆先後丐爲道士築觀在外史

卽不言他醜於防閑復行召入頗著微辭
味詩中蕭史一聯及引用董偃水精盤故
事大指已明非止爲
尋恒閨閣寫艷也

碧城十二曲闌干犀辟塵埃玉辟寒閨苑有書多

附鶴女牆無樹不棲鸞

此四語甚貴合主第卽
孫壽賈夫人家未易副

沉海底常窻見雨過河源隔座看若是曉珠明又

定一生長對水精盤

曉珠日也曉珠不定是以有
星沉雨過之開悵合冥過藩

來向曉開門去天上人亦
何必與讀曲小家女大異

對影聞聲已可憐玉池荷葉正田田不逢蕭史休

迴首莫見洪崖又拍肩

如金仙玉真之師事道士
史崇玄皆不逢蕭史而拍

洪崖肩
者也

紫鳳放嬌銜楚珮赤鱗狂舞撥湘絃鄂君

悵望舟中夜繡被焚香獨自眠

心說君芳君不知
自歎不得爲洪崖

也

七夕來時先有期洞房簾箔至今垂玉輪顧兔初
生魄鐵網珊瑚未有枝檢與神方教駐景收將鳳
紙寫相思武皇內傳分明在莫道人間總不知
爲初瓜寫嫩饒涎欲垂胡夏客口家君定此詩
人多未領後讀劉中山題九仙公主舊院詩武皇
曾駐蹕親問主人翁前此詩人
亦未嘗諱言何疑玉溪生也

春雨

以下情詞

帳臥新春白袷衣白門寥落意多違紅機隔雨相
望冷珠箔飄燈獨自歸遠路應悲春曉殘宵猶

得夢依稀玉璫織札何由達萬里雲羅一鴈飛

昨日

昨日紫姑神去也今朝青鳥使來除未容言語還
分散少得團圓足怨嗟二八月輪蟾影破十三絃
柱鴈行斜平明鐘後更何事笑倚牆邊梅樹花

促漏

促漏遙鐘動靜聞報章重疊杳難分舞鸞鏡匣收
殘黛睡鴨香爐換夕暉歸去定知還向月夢來何
處更爲雲南塘漸暖蒲堪結兩兩鴛鴦護水紋

藥轉

鬱金堂北畫樓東，換骨神方上藥通。
露氣暗連青桂苑，風聲偏獵紫蘭叢。
長籌未必輸孫皓，香棗何勞問石崇。
憶事懷人兼得句，翠衾歸臥綉簾中。

曲池

日下繁香不自持，月中流艷與誰期。
迎憂急鼓疎鐘斷，分隔休燈滅燭時。
張蓋欲判江滌滌，迴頭更望柳絲絲。
從來此地黃昏散，未信河梁是別離。

錦瑟

元稹詩至注云前輩謂商隱情有所屬托之錦瑟近胡元瑞亦云大槩無題中

語首句略用錦瑟引起耳宋人如納素雅記謂其直咏錦瑟以適怨清和爲解托蘇黃問答之說以實之固非卽紀事以爲咏令狐楚青衣名錦瑟者又有謂商隱莊事

楚必楚子綢之青衣者皆未
得肯繁而妄爲之說者也

錦瑟無端五十絃一絃一柱思華年莊生曉夢迷
蝴蝶望帝春心託杜鵑
海月明珠有淚藍田日
暖玉生煙此情可待成追憶祇是當時已惘然
可歎

幸會東城宴未迴年華憂共水相催梁家宅裏秦
宮入趙后樓中赤鳳來
冰簟且眠金鏤枕瓊筵不
醉玉交盃
宓妃愁坐芝田館用盡陳王八斗才

無題

昨夜星辰昨夜風
畫樓西畔桂堂東
身無彩鳳雙

飛翼心有靈犀一點通
隔座送鉤春酒暖分曹射覆
蠟燈紅嗟余聽鼓因官去走馬
蘭臺類轉蓬

無題

相見時難別亦難東風無力
百花殘春蠶到死絲方盡
蠟炬成灰淚始乾曉鏡但愁
雲鬢改夜吟應覺月光寒
蓬山此去無多路青鳥殷勤
爲探看

無題二首

來是空言去絕蹤月斜樓上
五更鐘夢爲遠別啼難喚
書被催成墨未濃蠟照半籠
金翡翠麝薰微度繡芙蓉
劉郎已恨蓬山遠更隔蓬山
一萬重

颯颯東南細雨來芙蓉塘外有輕雷金蟾齧鎖燒
香入玉虎牽絲汲井迴賈氏窺簾韓掾少宓妃留
枕魏王才春心莫共花爭發一寸相思一寸灰

無題二首

鳳尾香羅薄幾重碧文圓頂夜深縫扇裁月魄羞
難掩車走雷聲語未通曾是寂寥金燼暗斷無消
息石榴紅斑騅只繫垂楊岸何處西南待好風

重幃深下莫愁堂臥後清宵細細長神女生涯元

是夢小姑居處本無郎

古詩有小姑無郎之句

風波不信菱

枝弱月露誰教桂葉香直道相思了無益未妨惆

悵是清狂

中元作

絳節飄飄空國來
中元朝拜上清迴
羊權雖得金條脫
溫嶠終虛玉鏡臺
曾省驚眠聞雨過
不知迷路爲花開
有娥未抵瀛洲遠
青雀如何鵲鳥媒

言

洲之遠必青雀爲媒何可如有娥之媒鵲鳥告余不好也通篇皆不得親近之意

正月崇讓宅

崇讓宅是其妻家而詩似私有所待豈待婢流歟

密鎖重關掩綠苔
廊深閣迥此徘徊
先知風起月含暈
尚自露寒花未開
蝙拂簾旌終展轉
鼠翻窻網小驚猜
背燈獨共餘香語
不覺猶歌夜起來

飲席戲贈同舍

洞中屐響省分攜，不是花迷客自迷。
珠樹重行憐翡翠，玉樓雙舞羨鴟鷃。
蘭迴舊蔡屏緣綠，椒綴新香和壁泥。
唱盡關山無限疊，半盃松葉凍頗黎。

和友人戲贈二首

文苑英華作和令狐八綸戲題

東望花樓會不同，西來雙燕信休通。
仙人掌冷三霄露，玉女窓虛五一作午夜風。
翠袖自隨迴雪轉，燭

房尋類外庭空。殷勤莫使清香透，牢合金魚鎖桂

叢

迢遞青門有幾關。柳梢樓角見南山，明珠可貫須

爲珮白璧堪裁且作環子夜休歌團扇掩新正未
破剪刀閒猿啼鶴怨終年事未抵燠爐一夕閒

題二首後重有戲贈任秀才

一丈紅蕎擁翠筠羅窓不識繞街塵峽中尋覓長
逢雨月裏依稀更有人虛爲錯刀留遠客枉緣書
札損文鱗遙知小閣還斜照羨殺烏龍臥錦茵
也

天平公座中呈令狐令公時蔡京在坐京曾
爲僧徒故有第五句

罷執霓旌上醮壇慢粧嬌樹水晶盤更深欲訴職

眉歛衣薄臨醒玉艷寒白足禪僧思敗道青袍御
史擬休官雖然同是將軍客不敢公然子細看

水天閒話舊事

一作楚宮

月姊曾逢下彩蟾傾城消息隔重簾已聞珮響知
腰細更辨絃聲覺指纖暮雨自歸山峭峭秋河不
動夜厭厭王昌且在牆東住未必金堂得免嫌

當句有對

密邇平陽接上蘭秦樓鴛瓦漢宮盤池光不定花
光亂日氣初涵露氣乾但覺游蜂饒舞蝶豈知孤
鳳更離鸞三星自轉三山遠紫府程遙碧落寬

和韓錄事送宮人入道

星使追還不自由，雙童捧上綠瓊輈。
九枝燈下朝金殿，三素雲中侍玉樓。
鳳女顛狂成久別，月娥嬌獨好同游。
當時若愛韓公子，埋骨成灰恨未休。

和人題真娘墓

虎丘山下劍池邊，長遣遊人歎逝川。
胥樹斷絲悲舞席，出雲清梵想歌筵。
柳眉空吐效顰葉，榆莢還飛買笑錢。
一自香奩招不得，祇應江上獨嬋娟。

對雪二首

時欲之東

寒氣先侵玉女扉，清光旋遞省郎闈。
梅花大庾嶺

頭發柳絮章臺街裏飛欲舞定隨曹植馬有情應
濕謝莊衣龍山萬里無多遠留待行人二月歸
旋撲珠簾過粉牆輕於柳絮重於霜已隨江令誇
瓊樹又入盧家妬玉堂侵夜可能爭桂魄忍寒應
欲試梅粧關河凍合東西路腸斷斑驄送陸郎

聞歌

歛笑凝眸意欲歌高雲不動碧嵯峨銅臺罷望歸

何處玉輦忘還事幾多

拾遺記周穆王御黃金碧
玉輦又穆王與西王母宴

於瑤池歌
歸志歸

青塚路邊南鴈盡細腰宮裏北人過此

聲腸斷非今日香燭燈光柰爾何

淚

永巷長年怨綺羅
離情終日思風波
湘江竹上痕無限
峴首碑前灑幾多人
去紫臺秋入塞兵殘
楚帳夜聞歌
朝來灞水橋邊問
未抵青袍送玉珂

題小松

一作小柏

憐君孤秀植庭中
細葉輕陰滿座風
桃李盛時雖寂寞
雪霜多後始青葱
一年幾變一作度枯榮事
百尺方資柱石功
爲謝西園車馬客
定悲搖落盡成空

柳

江南江北雪初消漠漠輕黃惹嫩條
灞岸已攀行客手楚宮先騁舞姬腰
清明帶雨臨官道晚日含風拂野橋
如線如絲正牽恨王孫歸路一何遙

酬崔八早梅有贈兼示之作

知訪寒梅過野塘久留金勒爲迴腸
謝郎衣袖初翻雪荀令薰爐更換香
何處拂胸資蝶粉幾時塗額藉蜂黃
維摩一室雖多病亦要天花作道場

時予在惠祥上人講下故崔落句楚王宮地羅含宅賴許時時聽法來

臨發崇讓宅紫薇

一樹濃姿獨看來秋庭暮雨類輕埃
不先搖落應

有待已欲別離休更開桃綬含情依露井柳綿相
憶隔章臺天涯地角同榮謝豈要移根上苑栽

牡丹

錦幃初卷衛夫人

典畧云夫子見南
子在錦幃之中

繡被猶堆越

鄂君垂手亂翻雕玉珮折腰爭舞鬱金裙石家蠟

燭何曾剪荀令香爐可待薰我是夢中傳彩筆欲

書花葉寄朝雲

折腰用梁冀妻孫壽折腰步集
作招腰文苑英華作細腰並誤

回中牡丹爲雨所敗二首

仙苑他年未可追西州今日忽相期水亭暮雨寒

猶在羅薦春香煖不知無蝶殷勤收落蕊有人憫

悵臥遙帷章臺街裏芳菲伴且問宮腰損幾枝
浪笑榴花不及春先期零落更愁人玉盤迸淚傷
心數錦瑟驚絃破夢頻萬里重陰非舊圃一年生
意屬流塵前溪舞罷君迴顧併覺今朝粉態新古
溪曲黃葛生紫籠生在洛溪邊花落隨流去何見
逐流還還亦不復解翻案用之得云舞者以前溪
元舞曲也

和馬郎中移白菊見示

陶詩只採黃金實郢曲新傳白雪英素色不同籬
下發繁花疑自月中生浮杯小摘開雲母帶露全
移綴水精偏稱含香五字客從茲得地始芳榮

野菊

苦竹園南椒塢邊微香冉冉淚涓涓已悲節物同
寒鴈忍委芳心與暮蟬細路獨來當此夕清罇相
伴省他年紫雲新苑移花處不取霜栽近御筵

出關宿盤豆館對叢蘆有感

蘆葉梢梢夏景深郵亭暫欲灑塵襟昔年曾是江
南客此日初爲關外心思子臺邊風自急玉娘湖
上月應沉清聲不遠行人去一任荒城伴夜砧

流鶯

流鶯漂蕩復參差度陌臨流不自持巧囀豈能無

本意良辰未必有佳期風朝露夜陰晴裏萬戶千
門開閉時曾苦傷春不忍聽鳳城何處有花枝

宿晉昌亭聞鶯禽

羈緒鰥鰥夜景侵高窓不掩見鶯禽飛來曲渚煙
方合過盡南塘樹更深胡馬嘶和榆塞笛楚猿吟
雜橘村砧失羣掛木知何限遠隔天涯共此心

蜂

小苑華池爛熳通後門前檻思無窮宛如腰細纔
勝露趙后身輕欲倚風紅壁寂寥崖蜜盡碧簷迢
遞霧巢空青陵粉蝶休離恨長定相逢二月中

題白石蓮花寄楚宮

白石蓮花誰所共六時長捧佛前燈空庭苔蘚饒
霜露時夢西山老病僧大海龍宮無限地諸天雁
塔幾多層謾誇鶯子真羅漢不會千車是上乘